

Evening Dogri (NSD) Bulletin 14-12-2024

आकाशवाणी

खास खबरां

1 प्रधानमंत्री नरेन्द्र मोदी होरें संविधान दी 75 ब'रे दी यात्रा पर विशेष चर्चा च परता देआ'रदे न।

2 प्रधानमंत्री मोदी होरें मुख सचिवें दे चौथे राष्ट्रीय सम्मेलन दी अध्यक्षता करा'रदे न जिस राएं केन्द्र ते राज्य म्याल गी तेजिया कन्नै विकास लेई होर मजबूत कीता जाई सकै।

3 केन्द्री मंत्री डॉ. जितेन्द्र सिंह होरें आखेआ ऐ जे अगले 10एं ब'रें च देश दी अंतरिक्ष अर्थबवस्था च त्रै गुणा वृद्धि होग।

4 नोसेना प्रमुख एडमिरल दिपेश के. त्रिपाठी होर इंडोनेशिया दी खूँ दिनें दी यात्रा दी अधिकारिक यात्रा पर पुज्जी गे न।

5 दक्खन कोरिया दी संसद च अज्ज राष्ट्रपति पर लौहकी अवधि आला मार्शल ला दी घोशणा लेई महाभियोग चलाने लेई मतदान होआ।

<><><><><><><>

PM LS Constitution

प्रधानमंत्री नरेन्द्र मोदी होरें भारती संविधान दी गौरवशाली 75एं ब'रें दे जात्तरा दे सरबंघै च अज्ज लोकसभा च जारी चर्चा च हिस्सा लैता। उनें आखेआ जे एह स्हाड़े सब्बनें लेई बड़े गौरव दा पल ऐ। इस मौके पर उनें बाबा साहेब भीम राव अम्बेडकर ते संविधान सभा दे होरनें सदस्यें दिएं उपलब्धिएं गी चेतता कीता। उनें आखेआ जे स्हाड़े देसै दी नारि शक्ति नै देसै दे संविधान गी सशक्त बनाने च अहम भूमिका निभाई ऐ। श्री मोदी होरें आखेआ जे स्हाड़े संविधान नै शुरुआत थमां गै महिलाएं गी वोट पाने दा अधिकार दित्ता। उनें आखेआ जे भारत अज्ज

महिलाएं दी अगुवाई च विकास पर चेचा बल देआ करदा ऐ। उनें सरकार आसेआ पास कीते गेदे नारि शक्ति वंदन अधिनियम दी बी सराहना कीती। उनें आखेआ जे इक जनजातीय समुदाय दी महिला दा भारत दे राष्ट्रपति दे औहद्धे तगर पुज्जना, स्हाडे संविधान दी बदौलत गै मुमकन होई सकेआ ऐ। तौजे गै त्रीयै नंबरे दी अर्थबवस्था 2047 तगर पक्क गै भारत इक विकसत राष्ट्र होग। लोकसभा च संविधान दी 75 ब'रें दी गौरवशाली यात्रा पर टकोह्दी चर्चा लोकसभा च अज्ज परतियै रंभ होई। चर्चा दरान संसदीय कार्य मंत्री किरेण रिजिजू होरें संविधान निर्माण च डॉ. भीमराव अम्बेडकर हुंदे योगदान दी सराहना कीती। उनें गलाया जे प्रधानमंत्री नरेन्द्र मोदी संविधान दी मुंडली भावना मताबक सबका साथ, सबका विकास, सबका विश्वास ते साबका प्रयास दे मंत्र कन्नै कम्म करा'रदे न। उनें गलाया जे देस नै आजादी मगरा सब्बने लेई बरोबर अधिकार जकीनी बनाए न। उनें इस गल्ला पर जोर भरेआजे देसे च अल्पसंख्यकें कन्नै कोई फर्कोफर्की नेई होआ'रदी ऐ ते उनेंगी कनूनी हिफाजत बी दोआंदी ऐ। चर्चा च हिस्सा लेंदे होई विपक्ष दे लीडर ते कांग्रेसी नेता राहुल गांधी होरें बीजेपी पर संविधान गी कमजोर करने दा आरोप लाया ते बेरोजगारी, अग्निवीर योजना करसानें ते महिलाएं खलाफ कथित अत्याचार दे मुद्दे पर सुआल पुट्टे।

<><><><><><>

PM-CS

प्रधानमंत्री नरेन्द्र मोदी होर नमीं दिल्ली च मुख्ख सचिवें दे चौथे राष्ट्रीय सम्मेलन दी अध्यक्षता करा'रदे न। त्रऊं दिनें दा सम्मेलन कल शुरू होआ हा। एह्दे च राज्यें कन्नै सांझेदारी च इक सांझा विकास अजेंडा ते सुसंगत कारवाई दा खाका तैआर करने ते उसी लागू करने पर ध्यान दित्ता जाग। सम्मेलन दा मकसद सहकारी संघवाद पर ध्यान केनिद्रत करदे होई केन्द्र ते राज्यें बश्कार सांझेदारी गी होर मजबूत करना ते तेज वृद्धि ते विकास हासल करने लेई बेहतर सैह्योग जकीनी करना ऐ।



Vice President

उपराश्ट्रपति जगदीप धनखड़ होरें आखेआ जे भारतीय लोकतंत्र गी अभिव्यक्ति ते संवाद दे संतुलन पर केन्द्रत होना लोड़चदा ऐ। उनें इस गल्ला पर जोर पाया जे लोकतंत्र छड़ा व्यवस्थाएं परपर गै नेई सगुआं मौलिक मुल्ले कदरें पर बी विकसित होंदा ऐ। उपराश्ट्रपति होरें अज्ज नमीं दिल्ली च भारतीय डाक ते दूरसंचार लेखा ते माली सेवा दे 50में स्थापना दिवस कार्यक्रम गी संबोधत करदे होई एह गल्ल आखी। उनें आखेआ जे सार्थक गल्लबात ते प्रमाण आली अभिव्यक्ति दे खल्ल जा'रदे स्तर दे बाहर ते अंदरूनी संस्थागत चुनौतियां उभरा दी ऐ। उनें जिक्र कीता जे अभिव्यक्ति ते संवाद इक दुए दे पूरक न ते दौनें बशकार सद्भाव गै सफलता दी कुंजी ऐ। श्री धनखड़ होरें आखेआ जे आधुनिक सिविल सेवकें गी तकनीक च माहर, बदलाव दा प्रमुख ते पारंपरिक प्रशासनिक सीमाएं थमां परे होना लोड़चदा।



Jatinder Singh

विज्ञान ते टैक्नालोजी मंत्री डॉ. जितेन्द्र सिंह होरें आखेआ ऐ जे 10एं ब8रे रू देश दी अंतरिक्ष अर्थबवस्था खत्रै गुणा वृद्धि होग। डॉ. सिंह होरें अज्ज नमीं दिल्ली च इक निजी मीडिया हाउस दे भारत आर्थिक सम्मेलन गी संबोधत करदे होई आखेआ जे देश अपने अंतरिक्ष क्षेत्र गी वैश्विक मानकें पर लेई जाने दे बत्ते पर न। मंत्री होरें आखेआ जे प्रधानमंत्री नरेन्द्र मोदी होरें निजी कंपनिएं लेई अंतरिक्ष क्षेत्र खोलेआ ऐ जिस व्यापक संभावना न। डॉ. सिंह होरें दस्सेआ जे ब'रे 2035 तोड़ी भारत कोल अपना अंतरिक्ष स्टेशन होग।



Navy Chief

नौसेना प्रमुख एडमिरल दिनेश के. त्रिपाठी इंडोनेशिया दी चार दिनें दी अधिकारिक यात्रा पर रवाना होई गे न। एह यात्रा कल कोला शुरू होइयै इस म्हीने दी 18 तरीक तोड़र चलोग। इस यात्रा दरान ओह इंडोनेशिया दे शीर्ष सरकारी ते रक्षा अधिकारिएं कन्नै दपक्खी चर्चा करगंन। जेहदे च इंडोनेशिया दे रक्षा मंत्री सजाफ्री सजानसोएद्दीन, इंडोनेशिया सशस्त्र बलें दे कमांडो जनरल बंगुस सुबियारो ते इंडोनेशिया नौसेना दे सीफ ऑफ स्टाफ एडमिरल मोहम्मद अली शामिल न। चर्चा च रक्षा सैहयोग दे क्षेत्रेखास तौरा पर समुंद्री सुरक्षा, सांझे अभियान सरबंधी पैहल ते दौनें नौसेनाएं बश्कार अभियानें सरबंधी सैहयोग गी होर मजबूत करने लेईमौके दी खोज दे व्यापक दायरे गी शामिल कीता जाग। रक्षा मंत्रालय नै आखेआ ते एह यात्रा भारत ते इंडोनेशिया बश्कार दपक्खी रक्षा सरबंधे गी होर मजबूत करने लेई चला'रदे प्रयासें दा हिससा ऐ।

<><><><><><>

PM-Raj Kapoor

प्रधानमंत्री नरेन्द्र मोदी होरें महान फिल्मी अदाकार राज कपूर हुंदी 100मी जयंति श्रद्धांजलि भेंट कीती। इक सोशल मरडिया पोस्ट च श्री मोदी होरें आखेआ जे राज कपूर होर छड़े इक फिल्मकार गै नेई सगुआं इक सांस्कृतिक दूत हे जिनें भारतीय सिनेमा गी वैश्विक मंच पर पंछान दोआई। प्रधानमंत्री होरें फिल्में बक्खी राज कपूर हुंदे समर्पण दी सिफ्त कीती ते आखेआ जे उंदी फिल्में च कला, भावना ते सामाजिक सरोकारें कन्नै आम लोकें दिएं आसें—मेदें ते जद्दाजहद गी दस्सने आलियां न। श्री मोदी होरें राज कपूर दिएं फिल्में च कदें नेई भुलने आले किरदारें ते यादगीर गीतें दा बी जिक्र कीता, जेहड़े अज्ज बी हर कुसै दा मन मोही लेंदे न।

<><><><><><>

RBI Agriculture Loan

भारती रिजर्व बैंक नै बिजन जमानत दे कृषि दोआर दी हद्द इक लक्ख 60 जहार रपें शा बधाइयै 2 लक्ख रपे करने दा फैसला लैता ऐ। एह फैसला अगले ब'रे पैहले जनवरी थमां लागू होग। राई-बाई ते करसानें ते कल्याण सरबंधी मंत्रालय नै आखेआ ऐ जे एहदा मकसद करसानें गी बेहतर माली सुविधां उपलब्ध करोआना ऐ। इस फैसले कन्नै करसानें पर मैहगाई ते कृषि दी बधदी लागत दा असर घट्ट होग।

<><><><><><>

South Korea

दक्खन कोरिया दी संसद च अज्ज राष्ट्रपति युप सु येओल पर इस म्हीने दी शुरूआत च लौहकी अवधि दे मार्शल लास दी घोषणा लेई महाभियोग चलाने लेई मतदान होआ। नैशनल असेंबली च प्रस्जाह दे पक्खे च 204 वोट ते बरोध च 85 वोट होस कीते। संसद च राष्ट्रपति पर महाभियोग दे बाद संवैधानिक अदालत दे राष्ट्रपति हुंदे पद पर बरकरार रखने जां हटाने दे फैसले तोड़ी उंदी शक्तियां मुअत्तल रौंहगन। मीडिसा रिपोर्ट दे मताबक अदालत दा फैसला होने तोडत्री राजद्रोह दे आरोप च जांच दा सामना करा'रदे राष्ट्रपति दे देश छोड़ने पर पाबंधी लाई दित्ती गई ऐ। राष्ट्रपति होरें गी हटाने च अदालतें दे फैसले दे बाद 60एं ध्याड़े दे उंदा चुनां कराना होग। अदालत आस्सेआ महाभियोग गी बरकरार रखे जाने दी हालता च यून ब'रे 2017 च साबका राष्ट्रपति पार्क गुन हे, दे बाद दक्खन कोरिया दे इतिहास च महाभियोग राएं पद शां टियाे जाने आले दुए राष्ट्रपति बली जांगन। मार्शल ला लागू करने थमां राष्ट्रपति पून गी हटाने दी पैहली कोशश असफल होने देइक हफते बाद इस मुद्दे पर दुबारा मतदान होआ ऐ।

<><><><><><>

Consumer Officer

उपभोक्ता कार्य विभाग नै राश्ट्रीस उपभोक्ता दिवस कोला पैहले ई कनस्यूमर प्लेटफार्म लेई सुरक्षा सरबन्धी संगंध दी घोषणा कीती ऐ। एह ध्याड़ा हर बरे 24 दिसम्बर गी मनाया जंदा ऐ। मंत्रालय नै आखेआ जे इस संगंध दा मकसद ई-कनस्यूमर प्लेटफार्म आस्सेआ उपभोक्ताएं दे हित्तें दी सखी दी प्राथमिकता देने दी सार्वजनिक वचनबद्धता जाहर करना ऐ। मंत्रालय नै आखेआ जे एह संगंध ई-कामर्स प्लेटफार्म आस्सेआ प्राधिकारिएं कन्नै सैहयोग करदे होई असुरक्षत, ते खराब गुणवत्ताआले उत्पादें दी बिक्री दा पता जाने ते उनें रोकने लेई इक अपनी इच्छा आली वचनबद्धता ऐ।

<><><><><><><>

Srilanka

श्रीलंका च भारत उच्चायोग नै भारत दी समृद्ध बौद्ध विरसे दर्शनं लेई उन्दूवेप-पोया-दिवस दे मौके पर अनुराधापुर दे ऐतिहासक जयश्री महाबौद्धी मंदर परिसर च इक प्रदर्शनी दा आयोजन कीता ऐ। एह ध्याड़ा सम्राट अशोक दी धीह अर्थ-संघमिता थेरी दे श्रीलंका औने दे मौके पर मनाया जंदा ऐ। संघ नेता होरें अपने कन्नै इक बूहटा बी आन्ने दा हा जेहड़ा जे अज्ज बी अपुराधापुर दे जयश्री महाबौद्धी च इक दस्तखत दे रूपै च खड़ोते दा ऐ। मन्नेआ जंदा ऐ जे एह दस्तखत उस्सै रूख दी टेहनी ऐ, जेहदे हेठ भगवान बुद्ध गी ज्ञान प्राप्त होआ हा। प्रदर्शनी च भगवान बुद्ध दे जीवन कन्नै जुड़े महत्वपूर्ण पक्षें ते भारतच बौद्ध तीर्थ थाहरें दी तस्वीर गी दर्शाया गेआ ऐ। भारतीय उच्चायोग दी इस ब8रे हर इक पोया दिवस पर इसी श्रीलंका दे बौद्ध मंदरें च प्रदर्शित कीता गेआ ऐ।

<><><><><><><>

One Nation One Election

इक राश्ट्र इक चुनांऽ कन्नै सरबंधत द'ऊं विधेयकें गी संगारें लोकसभा च पेश कीते जाने दा कार्यक्रम ऐ। केन्द्री विधि मंत्री अर्जुन राम मेघवाल होर 129मां संविधान संशोधन विधेयक ते केन्द्र शासित प्रदेश संशोधन विधेयक लोकसभा च पेश करडन। हाल च गै सरकारै मुख्य भरै च कन्नो-कन्नी चुनांऽ करोआने लेई इक राश्ट्र इक चुनांऽ दे प्रस्ताऽ पर विचार लेई खडेरी गेदी उच्चे अख्तियारें आहली समिति दिएं सफारशें गी स्वीकार कीता हा। साबका राश्ट्रपति रामनाथ कोविंद हुंदी अध्यक्षता च खडेरी गेदी इस उच्च स्तरी समिति नै सियासी पार्टिं ते माहिरें-विशेषज्ञें सने सब्बनें हित धारकें कन्नै व्यापक विचार बटांदरा कीता। इक राश्ट्र इक चुनांऽ दा सिद्धांत द'ऊं चरणें च लागू कीता जाहग। पैहले चरण च लोकसभा ते विधानसभा दे चुनांऽ कन्नो-कन्नी करोआए जाडन जदके पंचैतें ते नगर पालिकाएं ज्नेय मुकामी निकायें दे चुनांऽ, आम चुनाएं दे 100 दिनें दे अंदर करोआए जाडन।

<><><><><><>

Priyanka Gandhi

वयनाड थमां कांग्रेस सांसद प्रियंका गांधी होरें सरकार थमां गुजारश कीती ऐ जे केरल च लास पस्सियां पौने करी प्रभावत वायनाड लेई विशेष पकैज घोषत कीता जा। अज्ज संसद दे बाहर मीडियो कर्मिं कन्नै गल्लबात च उनें आखेआ जे सरकार गी इस कुदरती करोपी कन्नै प्रभावत लोकें प्रति हमददी रखनी लोडचदी। उनें आखेआ जे लास पस्सियां पौने करी 2 जहार करोड़ रपे मुल्ल दी संपत्ति खत्म होई गई ऐ ते सरकार गी तैहशुदा नियमें मताबक मदादी रकम जारी करनी लोडचदी। उनें आखेआ ते वायनाड दे लोकें गी पैकेज दी जरूरत ऐ। केरल दे कांग्रेस सांसद विशेष पैकेज दी मंग गी लेइयै बरोध प्रदर्शन बी कीता।

<><><><><><>